

善導會的青年相關服務：

社區教育	服務對象:	內容:
社區教育及預防犯罪服務	社區人士 (青年、兒童為主)	校內講座、工作坊、專題日及小組；青衞谷-青少年預防犯罪教育中心的主題式教育日營及於社區舉行的劇團演出、U創團活動及期間限定活動。
模擬法庭·公義教育計劃 2023-2025	中學生、大專生及社區青年	法治與公義相關的教育活動，如法院參觀、電腦遊戲、法院現場及模擬法庭比賽；義工訓練及實習，如攝影、活動帶領。
職能發展		
恒生青年前路探索計劃	16-30歲弱勢青年	職涯評估、學習與探索(工作場所參觀、行業分享講座及工作坊)、就業/創業服務(工作實習及轉介、職業輔導、創業培訓及資助)
自在地·活出真的你 少數族裔青年職涯探索計劃	15至29歲的多元族裔青年	職涯發展評估、職業相關中文課程、行業學習與探索活動、工作體驗及指導及職前預備工作坊
賽馬會鼓掌創你聲計劃	30歲以下有生涯發展需要的青年	從青年角度及興趣出發，以延展工作理念，全方位發展不同生涯發展路向；提升社會人士對生涯發展的認識及參與，建構跨界別協作平台，與青年同行
CASH 青年創意理財互動空間	9-35歲弱勢青年人	青年創意理財實踐計劃、理財桌遊、體驗式活動、網上理財獎勵計劃、短片創作比賽、外展理財小組/分享會；到校活動：模擬理財社會劇
精神健康		
精神健康綜合社區中心 龍澄坊&朗澄坊	九龍城區及元朗區居民/中學生	到校服務 (情緒教育/身心健康教育講座、小組、攤位、動物到校服務、真人圖書館)、個案輔導/家庭輔導、情緒及精神健康評估、服務轉介、精神科陪診、治療性小組/興趣小組/發展性小組、義工活動、康樂及大型活動
多元共融		
高危少數族裔青少年及其家長照顧者禁毒計劃	13-35歲高危多元族裔青年及其家長和照顧者	外展服務、危機介入及輔導服務、健康檢查、正向小組及活動、教育性小組、參觀不同的戒毒機構和過來人的分享、職涯訓練、跟進和轉介戒毒服務
社區連繫		
賽馬會「拍住上」共居社區計劃	3年服務計劃 (暫定2025年於「賽馬會寓寓」啟動) >16-26歲家外青年 >15歲以上精神復元人	住宿及全人發展服務(生涯規劃、整全健康、生活技能、社會資本、互惠共生)
社會康復及支援綜合服務中心及 Chill Lab	曾違法及刑釋人士	個案輔導、服務轉介、家庭輔導、治療性小組、興趣小組、發展性小組、義工活動、康樂及大型活動、職業探索活動、社區連繫活動
更生同行		
藍巴士賽馬會結伴成長計劃	1.18歲以下兒童及青少年 (其家長正面對由被捕至進入司法程序，在囚或更生階段) 2.上述兒童及青少年之家長或照顧者	個案輔導、師友計劃、職向發展活動、體驗學習及成長活動、互助小組、社交發展、專業評估及治療
法院社工服務	曾違法及刑釋人士	外展服務、輔導、小組活動、轉介其他服務，例如緊急援助基金、臨床心理服務、就業輔導及培訓、精神健康服務等

如想了解更多以上個別服務，歡迎瀏覽本會網頁：
sidebyside.org.hk
 或WhatApp致59310452




善導會
 SideBySide



TBC

To Be Confirmed... 青年的發展充滿可能性，不確定性，這是一個探索及認識他們的空間，沒有絕對，沒有答案，只是以我們的經驗與大家一同理解我們的新一代。



朋友係咩嚟㗎 🙄
 對於我嚟講真係好陌生...

朋友，無論任何年代任何環境下，我哋都需要朋友，有朋友嘅前題就係「識朋友」，依家年青人到底係點樣識朋友，佢哋係咪淨係網上識朋友，而佢哋又如何看待友情？今次TBC邀請左一位Gen Z少女、一位90後青年及一位已退休嘅母親同我哋一齊展開對話，分享大家對識朋友、做朋友嘅睇法。



sidebyside.org.hk 56分鐘

想問下大家啲咪淨係上網識friend㗎？

3 27 91 57 ...

回覆 查看動態 >



ki22y_716 50分鐘

我5,6歲就上網識朋友，佢哋都係同我差唔多大，我哋一齊約打機。而家反而少咗上網識friend，無咁多時間，而家同學校嘅朋友玩多。



mandy.cyw 48分鐘

我兩個仔女出黎做嘢都係要網上識朋友，甚至識埋而家女朋友。我自己嘅朋友就係以前做野嘅同事。



kelvin_jai 48分鐘

我身邊都有朋友嘅現實難識到朋友，所以會網上識人，約人出街。而我同網友就多數係傾打機嘢。



ki22y_716 46分鐘

有人話友情同愛情一樣，都係有保鮮期，但我唔認同。我有一個幼稚園同學好耐冇聯絡，但有一次喺IG見到佢嘅post，跟住我主動follow佢聯絡返佢，後尾傾返偈就熟返。所以就算消失咗一段時間，想聯繫嘅就會聯繫得到。

2 2 36 14 ...

回覆 查看動態 >



mandy.cyw 46分鐘

我覺得維繫友誼在乎對方嘅信任，信任越大，可以維繫友誼嘅日子就可以好長。另外真誠都好緊要，有時俾啲朋友放過幾次飛機或者俾佢呢過，之後都唔會想再搵佢。我有一班識咗30-40年嘅朋友都係講一個「信」字。可能係因為共同經歷過一啲事又有共同興趣，可以令到友誼更加穩固。



kelvin_jai 41分鐘

對於友誼保鮮期我就覺得一半半。如果你同啲朋友相處咗10年8年啲就有保鮮期，但如果係新認識嘅朋友，咁一段時間冇聯絡就好快會忘記對方。其實都好靠啱開始認識時，雙方要俾多啲時間相處。



i22y_716 37分鐘

網友同朋友係有分別架，網友係唔會成日見，見咗會破壞咗個人設，網友如果成日見面就變成朋友啦。住得好近都好啦，見面多咗，印象就會有變，關係就會唔同咗。網友就係網友，朋友就係朋友。

1 5 29 6 ...

回覆 查看動態 >



kelvin_jai 25分鐘

我身邊嘅朋友，都無咩網友係可以維繫得好耐。網友同朋友都有分別嘅，對我嚟講，如果網上識嘅朋友，都會想見面，而網上只係識人嘅途徑。如果淨係網上，唔會維持得長，咁樣會好唔真實，始終都要見左相處左先會做到朋友。



mandy.cyw 20分鐘

我睇友情其實好簡單，朋友相處最重要嘅係坦誠，大家唔會互相計算大家。啱傾嘅就長久，唔啱傾嘅就篩走。

13 27 369 21 ...

回覆 查看動態 >



ki22y_716 14分鐘

陪伴嘅友情關係講好重要！即使唔係身邊，但網上面陪伴都可以。



kelvin_jai 7分鐘

真誠係好重要，如果雙方都拎個心出黎，段關係會長好多。

無論係年青人定成年人，朋友都係好重要，無人會話自己唔需要朋友，至於點識，或者都只係一種形式。識朋友可能就好似「搭巴士」咁，有朋友會上架車，有人會中途落咗車。又會有人重新上返車，再落車。但有啲人雖然落咗車，但我哋個心仍然記掛住佢哋。你架巴士而家又有幾多位乘客呢？睇到呢度，祝願一直有人陪住你開往每一個站，完成人生每一段旅程。

